



## CONVENIO ENTRE O INSTITUTO ENERXÉTICO DE GALICIA (INEGA) E A ASOCIACIÓN CLÚSTER DA XEOTERMIA GALEGA (ACLUXEGA) PARA A REALIZACIÓN DE ACTIVIDADES DE DIFUSIÓN E PROMOCIÓN DE PROXECTOS ESTRATÉXICOS E SINGULARES NO EIDO DA XEOTERMIA E DOUTRAS FONTES DE ENERXÍA RENOVABLE COMPLEMENTARIAS

### REUNIDOS

Dunha parte, Pablo Fernández Vila, en nome e representación do Instituto Enerxético de Galicia, en adiante INEGA, con domicilio na rúa Avelino Pousa Antelo, nº 5, 15703- Santiago de Compostela, e na súa calidade de director deste, cargo para o que foi nomeado polo Decreto 95/2022, do 9 de xuño, facendo uso das facultades do seu cargo e das que lle foron conferidas en virtude das atribucións que lle confire a Resolución do 10 de marzo de 2017 pola que se delegan competencias atribuídas á persoa titular da Presidencia da axencia Inega (DOG núm. 60, do 27 de marzo).

Doutra parte, Manuel López Portela, en nome e representación da Asociación Clúster da Xeotermia Galega (ACLUXEGA) con CIF G94017829, constituída o 1 de febreiro de 2010, ó amparo da Lei 1/2002 e inscrita na Vicepresidencia segunda e Consellería de Presidencia, Xustiza e Deportes- Xunta de Galicia con nº de rexistro 14085, con domicilio a efectos de notificacións na Rúa Velázquez Moreno nº 9, baixo, oficina.- 8, 36201 Vigo (Pontevedra).

Actúa na súa calidade de Presidente de ACLUXEGA, elixido para o devandito cargo por elección realizada no seo da Asemblea Xeral ACLUXEGA do 21 de Xullo de 2017, e actuando en virtude das facultades que lle outorga o artigo 22 dos estatutos da entidade.

Interveñen en función dos seus respectivos cargos e no exercicio das súas facultades que, para negociar e adoptar acordos en nome das entidades que representan teñen conferidas e

### EXPOÑEN

**Primeiro.-** Que o Inega é unha entidade instrumental do sector público autonómico con personalidade xurídica e patrimonio de seu para o cumprimento dos seus fins que se constitúe en Axencia por Decreto 142/2016, do 22 de setembro, mantendo a súa adscrición a Consellería competente en materia de enerxía, conforme ao establecido na Lei 3/1999, do 11 de marzo e entre os seus fins están "o fomento, impulso e realización de iniciativas e programas de actuación para a investigación, o estudo e o apoio das actuacións de coñecemento, desenvolvemento e aplicación das tecnoloxías enerxéticas, incluídas as renovables, a mellora do aforro e a eficiencia enerxética, o fomento do uso racional das enerxías e, en xeral, a óptima xestión dos recursos enerxéticos dos distintos sectores económicos de Galicia, así como a participación na xestión e prestación, se é o caso, de servizos noutros campos sinérxicos ao enerxético, de acordo coas directrices do goberno no ámbito das súas competencias".





Que para o exercicio axeitado das súas funcións, o Inega pode establecer convenios e contratos con institucións públicas ou privadas, así como colaborar con outras Administracións para favorecer a adopción de medidas de aforro, de racionalización na produción, distribución e subministración de enerxía (art. 5 da Lei 3/1999).

**Segundo.-** Na actualidade as políticas de diversos ámbitos e niveis están sendo influenciadas por todos os acordos para a mitigación do cambio climático, posto que o modelo de malgasto enerxético e fontes de enerxía contaminantes non nolo podemos permitir. Todos os escenarios prospectivos futuros mostran como, para acadar os niveis desexables de redución de emisións de Gases de Efecto Invernadoiro é imprescindible descarbonizar case totalmente o sector eléctrico e abandonar, en gran parte, o emprego de combustibles fósiles no resto dos sectores.

O desenvolvemento das renovables irá indefectiblemente en paralelo á redución das enerxías convencionais, en paralelo a descarbonización e a dixitalización e ao almacenamento, e haberá que adaptar a política enerxética para permitir o desenvolvemento ordenado de todas as fontes renovables e, entre outras cousas, seleccionar con criterio as mellores tecnoloxías renovables para cada emprazamento.

Ademais, as enerxías renovables teñen un papel fundamental que xogar na loita contra o cambio climático. O hidróxeno de orixe renovable (hidróxeno verde) e a integración de todo o que ten que ver co almacenamento da enerxía van a xogar un papel fundamental na transición enerxética, na optimización do aproveitamento das fontes renovables de enerxía e no posicionamento de Galicia como un polo enerxético innovador e competitivo.

No caso de Galicia en relación coa enerxía xeotérmica, a existencia dun subsolo con predominio de rocas cristalinas de alta condutividade térmica (Granitos), facilmente perforables e cun nivel freático moi superficial, fai que practicamente todo o solo do seu territorio resulte óptimo para a implantación dos Sistemas de Captación Xeotérmica.

É por elo que a Xunta de Galicia ven de por en marcha nestes anos a "Estratexia de Impulso a xeotermia 2015 – 2020" e o "Plan de Promoción e Impulso á Xeotermia 2021 – 2023" para o fomento desta tecnoloxía en Galicia, a partir dos cales desenvolvéronse medidas de fomento do uso da xeotermia con axudas específicas a familias, empresas, administracións e entidades, medidas de calidade e accións de formación, difusión e sensibilización.

No presente ano, e en relación coas oportunidades que presentan as diferentes liñas de axuda para a captación de fondos para a nosa Comunidade, desenvolveranse accións de difusión e de promoción de proxectos estratéxicos e singulares para fomentar a súa implantación, xa que téñense que dar pasos importantes de cara a cambiar o modelo enerxético actual, con medidas transformadoras e facilitadoras dentro do Plan de Recuperación, Transformación e Resiliencia, dando protagonismo ás enerxías renovables, coa xeotermia entre elas, ó hidróxeno renovable e ó





almacenamento enerxético, na loita contra o cambio climático e en pos da eficiencia enerxética.

Esta é unha forma de avanzar en novas políticas enerxéticas de acordo co Plan Nacional Integrado de Enerxía e Clima 2021-2030.

O sector da xeotermia galega, altamente profesionalizado e representado pola Asociación Clúster da Xeotermia Galega – ACLUXEGA, colaborou coa Consellería competente en materia de enerxía da Xunta de Galicia no deseño, posta marcha e desenvolvemento de Estratexias, Estudos e Plans para a implantación desta tecnoloxía en Galicia.

**Terceiro.-** Que ACLUXEGA é unha asociación sen ánimo de lucro, de ámbito galego, que representa as empresas do sector da xeotermia, constituída baixo a forma xurídica de asociación inscrita co número 2010/014085-1 no Rexistro Central de Asociacións e segundo o artigo IV dos seus Estatutos, aprobados o día 23 de abril do 2010 no acto de constitución da asociación, ten como obxecto promover e contribuír á competitividade do sector da xeotermia colaborando coas institucións para impulsar o desenvolvemento da devandita tecnoloxía, fomentar o coñecemento e interese polo desenvolvemento desta, promover a calidade das instalacións realizadas, apoiar e fomentar a investigación a formación e a difusión en dita tecnoloxía, desenvolvemento a innovación das empresas para a mellora da referida tecnoloxía e contribuír á internacionalización dos seus asociados e a mellora das condicións do entorno do sector.

Que o Clúster da Xeotermia Galega ten como fins esenciais, a representación, defensa e difusión dos intereses comúns dos seus membros, o fomento das actividades principais ou nucleares da cadea de valor da xeotermia, en concreto validar as instalacións de xeotermia así como o incremento da competitividade do seu sector a través da difusión e da formación en dita tecnoloxía.

**Cuarto.-** Neste intre, é necesario avanzar en novas políticas enerxéticas dentro do Marco Estratéxico de Enerxía e Clima e de acordo coas directrices emanadas do Plan Nacional Integrado de Enerxía e Clima 2021-2030 e por en marcha novas propostas que redunden na consecución dos obxectivos establecidos no Plan, tanto de descarbonización como de potenciación das enerxías renovables o hidróxeno renovables e o almacenamento na nosa Comunidade Autónoma como camiño cara a unha transición enerxética efectiva e co máximo aproveitamento dos principais recursos enerxéticos renovables de orixe local, como é o caso da enerxía xeotérmica en Galicia.

É por isto que o Inega, neste marco, e no seu obxectivo de impulsar o estudo das actuacións de coñecemento, desenvolvemento e aplicación das tecnoloxías enerxéticas renovables e a mellora do aforro e a eficiencia enerxética no prazo 2021-2030 require a colaboración de ACLUXEGA, para a realización de actividades de difusión, formación, información e promoción de proxectos estratéxicos e singulares no eido das fontes renovables de enerxía, que poidan optar ás diferentes liñas de axuda existentes, e tamén especificamente as que teñen que ver coa enerxía





xeotérmica para a sensibilización dos actores que poden intervir na realización de actuacións inversoras e transformadoras.

**Quinto.-** O Inega participa neste convenio por tratarse dunha actuación que vai servir de marco de referencia para a consecución dos obxectivos marcados polo Plan Nacional Integrado de Enerxía e Clima 2021-2030.

E, en virtude de todo o exposto, as partes encóntranse interesadas en formalizar o presente Convenio, e polo tanto,

## ACORDAN

Establecer un convenio de colaboración en virtude do cal o Inega participará xunto con ACLUXEGA nunha estratexia de difusión de coñecemento e de promoción de proxectos estratéxicos e singulares no eido da enerxía xeotérmica e outras fontes de enerxía renovables complementarias para a captación das diferentes liñas de axuda existentes que permitan o desenvolvemento de iniciativas transformadoras e de alto impacto no sector en Galicia.

## CLÁUSULAS

### Primeira.- Obxecto.

O obxecto do presente convenio é establecer as condicións da colaboración entre o Inega e ACLUXEGA para a realización dunha estratexia conxunta para a realización de actividades de difusión, formación, información e promoción de proxectos estratéxicos e singulares no eido das fontes renovables de enerxía, que poidan optar ás diferentes liñas de axuda existentes, e tamén especificamente as que teñen que ver coa enerxía xeotérmica para a sensibilización dos actores que poden intervir na realización de actuacións inversoras e transformadoras.

O desenvolvemento das accións tomarán como referencia o Plan 2021 – 2023 da Enerxía Xeotérmica en Galicia realizado en 2021 por ACLUXEGA en colaboración co Inega.

Durante a vixencia do convenio desenvolveranse un conxunto de actuacións cuxo alcance e orzamento se definen no Anexo I.

### Segunda.- Compromisos de ACLUXEGA

1. Elaborar a documentación específica das accións obxecto de este convenio e facer chegar Inega o material desta actuación.





2. Realizar accións informativas en relación coas convocatorias de axuda que se publiquen en 2022 relacionadas coa enerxía xeotérmica e outras fontes renovables de enerxía complementarias.
3. Identificar oportunidades e promover proxectos estratéxicos e singulares compatibles coas diferentes liñas de axuda relacionadas coa enerxía xeotérmica e outras fontes renovables de enerxía complementarias, así como a identificación de axentes chave que contribúan ao liderado das iniciativas. Informando en todo momento do seu estado de avance ao Inega.
4. Prestar asistencia, orientación e soporte ás empresas e entidades interesadas na preparación, tramitación e presentación de propostas de proxectos de interese ás diferentes convocatorias de axuda relacionadas coa enerxía xeotérmica e outras fontes renovables de enerxía complementarias.
5. Facer figurar a imaxe corporativa do Inega en toda a documentación técnica e elementos de comunicación que o desenvolvemento da actuación requira.
6. Facilitar ó Inega a información que sexa requirida sobre a execución dos traballos que integran este convenio.

### **Terceira.- Compromisos do Inega**

1. Financiar o 100% das actividades obxecto deste convenio desenvolvidas na cláusula primeira.
2. Facilitar o asesoramento técnico e colaboración que sexa necesaria para a elaboración dos contidos desta actuación.
3. Informar a ACLUXEGA sobre as diferentes liñas de axudas relacionadas coa enerxía xeotermia e outras fontes de enerxías renovables convocadas polo Inega.
4. Calquera outra función que resulte de mutua conveniencia por razón do obxecto do convenio.

### **Cuarta.- Contía da achega**

Para o desenvolvemento do obxecto do presente Convenio, o INEGA achegará a cantidade de 40.000,00€ con cargo á partida orzamentaria 06.A3.733A.641.1 do seu orzamento de gastos para o ano 2022.

O pagamento financiará exclusivamente o custo da realización das actividades obxecto do convenio sen que ningunha das partes convenientes obteña lucro *ningún*.

### **Quinta.- Xustificación e pagamento**





1. O Inega fará efectivo un primeiro pagamento de 20.000,00 euros, previa presentación dun informe das actuacións que se van a realizar.

2. O Inega fará efectivo un segundo pagamento de 20.000,00 euros, unha vez realizadas as accións contempladas neste convenio e entregada a Memoria Xustificativa de realización das actividades, previa conformidade por parte do Inega de que a documentación presentada reúne os requisitos establecidos no presente convenio.

Os traballos obxecto do presente convenio estarán executados e entregados ó Inega antes do día 15 de novembro de 2022.

O pagamento farase efectivo contra unha certificación da intervención ou órgano que teña atribuídas as facultades de control da toma de razón en contabilidade e do cumprimento da finalidade para a que foi suscrito o presente convenio acompañada das facturas e demais documentos de valor probatorio equivalentes con validez no tráfico xurídico mercantil ou con eficacia administrativa.

ACLUXEGA achegará ademais a seguinte documentación:

unha certificación expedida pola entidade bancaria da titularidade da conta bancaria de ACLUXEGA onde debe realizarse o pagamento, na que conste: IBAN, ordinal bancario, código do banco, código de sucursal e código de conta corrente.

Certificacións expedidas polas respectivas Administracións Públicas, que acrediten que se está ao corrente das obrigas tributarias e da Seguridade Social, así como a acreditación de non ter pendente de pagamento ningunha outra débeda, por ningún concepto, coa Administración Pública da Comunidade Autónoma.

O Inega reservará para si o dereito de solicitar toda a documentación que se considere precisa con relación á xustificación dos respectivos gastos.

### **Sexta.- Propiedade Intelectual**

A propiedade intelectual e material dos traballos que resulten deste convenio será conxunta do Inega e de ACLUXEGA. A información que se obteña, os resultados das investigacións e o seu alcance poderán ser difundidos con autorización expresa de ACLUXEGA e do Inega deixando constancia nas publicacións da participación de cada unha delas. En toda a documentación ou documento relacionado co presente convenio producido en forma unilateral, farase constar a colaboración prestada polo outro membro sen que isto signifique responsabilidade algunha, respecto do contido da publicación ou documento.

### **Sétima.- Vixencia.**

O presente convenio entrará en vigor o día seguinte ao da súa sinatura, a súa vixencia rematará o 31 de decembro de 2022, con retroacción dos seus efectos, a fin de amparar as actuacións realizadas desde o 1 de xaneiro de 2022.





Non se contempla a posibilidade de prórroga da vixencia do convenio.

### **Oitava.- Relacións laborais**

A subscrición do presente convenio non implica relación laboral contractual ou de calquera tipo, entre os profesionais que desenvolveron as actividades e a Xunta de Galicia, de tal modo que non se lle poderá esixir ningunha responsabilidade, directa, nin indirecta, nin subsidiaria, polos actos ou feitos ocorridos durante a execución das actuacións e/ou a vixencia do presente convenio de colaboración.

### **Novena.- Comisión de seguimento.**

Para o seguimento e cumprimento do presente convenio, designarase, de común acordo entre as partes, unha comisión de seguimento e control formada por un representante do Inega e outro de ACLUXEGA e que terá como misión:

- Velar pola correcta aplicación e desenvolvemento do convenio.
- Definir o alcance exacto das actuacións específicas a realizar en desenvolvemento do convenio.
- Informar e presentar propostas sobre a marcha e necesidades do proxectos e actuacións que se aborden.

### **Décima.- Protección de datos**

As partes están obrigadas a cumprir coas normas sobre a protección de datos de carácter persoal, en concreto, co disposto na Lei Orgánica 3/2018, de 5 de decembro, de Protección de datos persoais e garantía dos dereitos dixitais, e Regulamento (UE) 2016/679 do Parlamento Europeo e do Consello de 27 de abril de 2016 relativo á protección das persoas físicas no que respecta ao tratamento de datos persoais e á libre circulación destes datos, e polo que se derroga a Directiva 95/45/CE.

Os asinantes manifiestan o seu consentimento ou autorización para que os seus datos persoais que constan no presente convenio e mailo resto das especificacións contidas no mesmo, podan ser publicados no Portal de Transparencia e Goberno Aberto.

### **Décimo primeira.- Publicidade**

En canto á publicidade, procederase de conformidade co mandato da Lei 1/2016, do 18 de xaneiro, de transparencia e bo goberno, no Decreto 126/2006, do 20 de xullo, polo que se regula o Rexistro de Convenios da Xunta de Galicia e no Decreto 132/2006 do 27 de xullo, de creación dos rexistros de axudas, subvencións e convenios, e de sancións da Xunta de Galicia.

### **Décimo segunda.- Causas de resolución**

Serán causas de resolución do convenio procedendo o reintegro, total ou parcial, da axuda percibida e dos xuros de mora correspondentes as determinadas no artigo 33 da Lei 9/2007, de 13 de xuño.





En especial, serán causas de resolución do presente convenio as seguintes:

- a. O transcurso do prazo de vixencia establecido sen que se leve a cabo o obxecto do mesmo.
- b. O mutuo acordo entre as partes.
- c. A imposibilidade sobrevida para o cumprimento dos termos do presente acordo.
- d. A denuncia de calquera das partes formulada por escrito con quince días de antelación.
- e. O incumprimento total ou parcial dalgunha das súas cláusulas.

### **Décimo terceira.- Natureza e Réxime Xurídico**

O presente convenio ten natureza administrativa, quedando fóra do ámbito de aplicación da Lei 9/2017, do 8 de novembro, de contratos do sector público; sen prexuízo da aplicación dos principios e criterios da devandita Lei para resolver as dúbidas ou lagoas que puidesen presentar.

Este convenio o ter carácter administrativo todas as diferenzas que poidan xurdir entre o Inega e ACLUXEGA, en relación coas cuestións controvertidas non resoltas no seno da comisión de seguimento, someteranse ao coñecemento da xurisdición contencioso-administrativa.

O presente convenio rexerese polas súas cláusulas e polo Acordo do Consello da Xunta do 27 de marzo de 1991, publicado por Resolución da Consellería de Economía e Facenda do 8 de Abril de 1991, sobre convenios de colaboración con outros entes públicos e con particulares, así como polas disposicións que en materia de convenios se recollen na Lei 1/2016, do 18 de xaneiro, de transparencia e bo goberno.

E en proba de conformidade, asínase o presente convenio de colaboración, na data indicada na sinatura electrónica.

Pablo Fernández Vila  
Director do Inega

Manuel López Portela  
Presidente de Acluxega





## ANEXO I: Memoria Económica

ACCIÓNS		2022 ORZAMENTO POR CONCEPTOS
Promoción / Divulgación / Difusión / Información / Sensibilización / Proxectos - ESTRATEXIA		
	Concepto: Promoción/Divulgación/Comunicación	
	1.- Actividades de difusión, sensibilización e comunicación entre as seguintes: feiras, foros, accións informativas e/ou formativas presenciais, mixtas ou webinars, prensa escrita e dixitais, edición e difusión de materias impresos e/ou dixitais, informativos, formativos, explicativos e outros, relacionados coa estratexia.	9.750,00 €
	2.- Secretaría e outros custes de xestión: Calidade, coordinación e posta en marcha das actividades do convenio, actividades de información sobre axudas á xeotermia e enerxías complementarias e outros. Asistencia a empresas e entidades interesadas. Identificación de axentes clave e proxectos estratéxicos...	30.250,00 €
<b>TOTAL ACCIÓNS</b>		
	<b>TOTAL PRESUPOSTO</b>	<b>40.000,00 €</b>

